

續修四庫全書

《續修四庫全書》編纂委員會編

續修四庫全書

上海古籍出版社

社址：上海馬路

三四・經部・易類

周易倚數錄二卷附圖一卷	〔清〕楊履泰撰	一
陳氏易說四卷附錄二卷	〔清〕陳壽熊撰	二七
讀易漢學私記一卷	〔清〕陳壽熊撰	一〇三
周易釋爻例一卷	〔清〕成蓉鏡撰	一一七
周易舊疏考正一卷	〔清〕劉毓崧撰	一二七
易貫五卷	〔清〕俞樾撰	一三五
艮宦易說一卷	〔清〕俞樾撰	一八三

周易互體徵一卷	〔清〕俞樾撰	一九五
卦氣直口考一卷	〔清〕俞樾撰	一九九
周易爻辰申鄭義	〔清〕何秋濤撰	二〇九
還硯齋周易述四卷	〔清〕趙新撰	二一五
還硯齋易漢學擬旨一卷	〔清〕趙新輯	三一九
周易本義辨證補訂四卷	〔清〕紀磊撰	三四三
周易消息十五卷	〔清〕紀磊輯	三九七

周易倚數錄

〔清〕楊履泰撰

據復旦大學圖書館藏清光緒貴
池劉氏刻聚學軒叢書本影印原
書版框高一六二毫米寬二三九毫米

周	錄	圖
易	二	一
倚	卷	卷
數	期	

周易合四聖人之手而成象取天地人物理判吉凶悔吝統貫三才包涵眾有所謂潔淨精微奇而法也第其間理以象顯亦以數明自古易家多善言象漢儒若孟喜推卦氣京房述占卜荀爽著世應焦贛測變化虞翻主日月康成按星辰其最著矣唐宋以來王弼空談易理後儒非之周邵取圖書而理有未安程朱宗德義而象又太略無惑乎學易者偃偃無所之也夫象之於理若影與形數之於理若身與目見物之有影而不識其形知人之有身而不觀其目可乎傳云象也者像此者也又曰易有四象所以示也又曰參天兩地而倚數象其尚矣數不竝重歟伏羲畫卦文王演象周公繫爻孔子作十翼莫不有象即莫不有數所謂數者非若道家之推衍術家之識緯也什百千萬物數可憑幼壯強老人數可据日月星辰山川道里天數可步地數可稽是故聖人著之於易以見象與數不容偏廢而數與理不可相離也後無闡之者易道自明後有闡之者易學愈顯開膏紬繹經文策參眾說久之恍有所得爰踵前賢之言象言理者專考其數擇而詳之凡百則釐爲二卷曰周易倚數錄其數之由算見者圖式於後附錄一卷時維咸豐十年庚申六月望日丹徒楊履泰子安氏自述於邗江東鎮之僑居

周易倚數錄目錄

卷上

八卦之數

萬物

六位時成

六龍御天

四德

六爻旁通

直方大

非一朝一夕之故

暢於四支

用九用六

雷雨之動滿盈

十年乃字

初筮告再三瀆

有不速之客三人來

邑人三百戶

終朝三褫之

王三錫命

原筮

周易倚數錄目錄

王用三驅

三歲不興

四時不忒

先甲三日後甲三日

至於八月有凶

七日來復

至於十年不克征

十年勿用

三歲不得

明兩作

二氣感應以相與

四時變化而能久成

從一而終也

晝日三接

三日不食

照四國也

二女同居

睽孤遇元夫

載鬼一車

往得眾也

百果草木皆甲拆

田獲三狐

二簋可用享

三人行則損一人

或益之十朋之龜

一握爲笑

三歲不覿

二女同居

天地革而四時成

革言三就而有孚

震驚百里

躋於九陵勿逐七日得

天地不交而萬物不興

三歲不覿

射雉一矢亡

田獲三品

先庚三日後庚三日

天地節而四時成

勿逐七日得

三年克之

三年有賞於大國

卷下

周易倚數錄目錄

八卦相盪

一寒一暑

六爻之動三極之道也

一陰一陽之謂道

千里應遠

二人同心

天一地二天三地四天五

地六天七地八天九地十

天數五地數五

五位相得而各有合

天數二十有五地數三十凡天地之數五十有五

大衍之數五十其用四十有九

分而爲二以象兩掛一以象三

揲之以四以象四時 歸奇於扚以象閏

五歲再閏故再扚而後掛

乾之策二百一十有六坤之策百四十有四凡三

百有六十當期之日

二篇之策萬有一千五百二十

是故四營而成易十有八變而成卦

八卦而小成

參伍以變錯綜其數

蓍之德圓而神卦之德方以智六爻之義易以貢

一闢一闢謂之變

易有太極是生兩儀兩儀

生四象

八卦定吉凶

變通莫大乎四時

易有四象所以示也

八卦成列象在其中矣因而重之爻在其中矣

天下之動貞夫一者也

《周易倚數錄目錄

三

陽卦多陰陰卦多陽 同歸而殊塗一致而百慮

萬夫之望

變動不居周流六虛

原始要終

兼三才而兩之故六

參天兩地而倚數

兼三才而兩之故易六畫

而成卦

分陰分陽迭用柔剛故易

六位而成章

數往者順知來者逆是故

易逆數也

一再三索

爲近利市三倍

大有眾也小畜寡也

上下兩卷計百則

算式附卷

第一圖積數疊法

第二圖方積圍法

第三圖圓積圍法 第四圖方形開方法 圖十

第五圖句股形句股積 圖二

第六圖長方句股相求法 圖三

第七圖累方算法 第八圖內容外切方圓倚

數法

第九圖句股方圓相容法

圖五

第十圖和較相求法 圖二

第十一圖測量算法 圖二 第十二圖測圓要法 圖二

第十三圖各圓形算法 圖七

第十四圖弧徑距度法

第十五圖天度高弧距地法 日景表

附卷計十五則 四十一圖 一表

《周易倚數錄目錄

四

周易倚數錄卷上

聚學軒書

丹徒楊履泰述

貴池劉世

八卦之數

坎數一離數二震數三兌數四坤數六艮數七巽數八乾數九中數五成數十

萬物

乾萬物資始坤萬物資生萬盈數也天地之間物有萬類而皆統於元元一也萬雖盈數亦一也天地一元而已繫傳言二篇之策萬有一千五百二十當萬物之數也是六十四卦三百八十四爻合之亦一元也○周禮開方法以一起數次則百成方次則萬成方次則百萬成方若十若干若億皆不成方然則一卽萬而萬卽一理可知矣

周易倚數錄卷上

一

六位時成

六位六爻之位時四時也陽爻九以四乘九厥數三十有六六其三十六爲二百一十有六乾之策也而卦成矣下文時乘與乘除之乘通○六爻其數五十有四以四乘之亦二百一十有六

六龍御天

龍陽物其脊三十有六鱗六龍則二百一十有六鱗合乾策數說卦云震爲雷爲龍龍與雷同氣月令春分雷乃發聲龍於是時始能上天乾卦純陽主四月距春分

震氣凡六十日故六龍御天也

四德

元亨利貞乾之全德也在五行爲木火金水在時爲春夏秋冬在人爲仁禮義智在卦爲震離兌坎在數爲三二四一合其數爲十十數之成也乾數起於一盛於三極於九成於十天地之所以成物物之所以成德莫不在此○乾之一三九皆圓象也圓數出於方四者方也有方斯有圓算理益著

六爻旁通

虞氏謂陽爻通陰陰爻通陽謂之旁通然則乾六爻共數五十有四旁通坤六爻共數三十有六合之得九十九者陽之極十者數之成數成而仍返於九此卽陰陽相生義也餘如坎通離泰通否六十四卦之旁通皆九十也○每卦旁通厥數九十六十四卦共數五千七百六十兩而倍之得萬有一千五百二十與繫傳數合

直方大

周禮勾股之法所以知直知直則知曲開方之法所以知方知方則知圓知方圓曲直則無不知矣故曰大坤爲地地之體圓而理數則在直方二爻動則內卦爲坎坎數一一者元也元者大也象曰六二之動直以方也不言大而大已著

非一朝一夕之故

坤二爻動則內為坎坎為夕二與五應若五爻動則外為離離為朝今俱不動其非一朝一夕可知坤至二爻陰漸長矣陰之為害不可以朝夕計雖坎離日月之光恐亦消蝕耳

暢於四支

坤數生於二極於十手足之指各十坤數之極也得陽氣而能運上承乾也故曰暢乾曰四德以人心言坤曰四支以人身言心靈象天身重象地地正位天中以承四時人正位地上以居四體

用九用六

漢儒以坎離為乾坤二用京房虞翻輩皆然朱子謂老陽為九老陰為六著策之數用九而不用七用六而不用八故曰此占卦之通例也然漢儒八卦之數以坎為五以離為十若言乾坤用坎離則是九用六用或用五用十而非用九用六矣朱子以占卦變爻為用九用六指為通例而不拘定乾坤亦非倚數之定旨今以算法合經文以明之陽極於九乾數也用九乘之則八十有一見一圖九之極也陰盛於六坤數也用六乘之則三十有六見一圖六之極也此乃所謂用也用九而曰羣龍无首者陽極當返於陰首在身一數也八十有一而无一則八十矣陰數也故吉用六而曰永貞者陰極當進於陽貞為水亦一數也三十有六而歸於一則成一

《周易倚數錄卷上

三

大方矣陽數也故永是故象傳曰用九天德不可為首也用六永貞以大終也

雷雨之動滿盈

動變動也屯六爻全變為鼎以坎震變為離巽離二巽八合之為十十滿數也故曰滿盈定鼎之時在屯難之際象雖滿盈宜虛中以建侯不可自滿也

十年乃字

虞仲翔曰坤為十為年自二至四坤象也故曰十年字孕也孕必十月自二至上一坎象也坎為月故曰字而屯之內卦為震震為長男亦有字象上文貞不字貞為水一數也婦人從一而終故曰貞既從一則應字今不

《周易倚數錄卷上

四

字而至十年乃字此屯難之象非常道也故象曰反常也○字非筮字之字字者孕也育也乃生育之義王引之經義述聞論之纂詳

初筮告再三瀆

蒙內卦坎其數一為萬數之端故曰初外卦艮自二爻至上有離象離數二故曰再自一爻至五有震象震數三故曰三坎水就下故告之象故告離火震雷皆向上教者俯就理無仰企故瀆外卦艮止尚何告焉

有不速之客三人來

需自三至上有坎離交互之象坎一離二合之為三人需自三至上有坎離交互之象坎一離二合之為三人得水火則正故虞氏以既濟為正故曰三人然需卦非

既濟變而之正尙有待焉今乃突來故曰不速陽爲來乾三陽坎一陽故曰來

邑人三百戶

井田之法四井爲邑鄭康成曰夫三爲屋屋三爲里里十爲井司馬法曰一家百畝九家爲井四井爲邑孟子曰方里而井八家同井鄭以直起數司馬法及孟子皆以方起數然其數不同總之四井爲邑井各九家則共三十六家若井各八家則共三十二家今言三百戶似與古制舛然所謂戶者非家之謂也古者一夫爲一戶周禮注及史記所謂戶口是也鄭說夫三爲屋屋三爲里是直數而一里之中已得九夫

一里直數爲方里之通

《周易倚數錄卷上

五

井則其得九十夫而井四井爲邑則其得三百六十夫即三百六十戶言三百者舉大數也

一邑之地爲田二千六百畝以開方

法開之其方邊六十畝爲里者二爲屋者六爲三百戶

而取象於訟者訟內坎外乾自三爻至上有巽象坎巽

之卦井也其取於四井者坎一乾三合之則四故曰邑其在二爻者二居坎之中在乾之下人在天之下水之中則在田矣歸田則訟解故下文曰无咎也

終朝三褫之

離爲朝訟自二至上離象也至於上則日暮矣故曰終朝終者卒也卒字从衣故象繫帶至於卒訟則曲直判賞罰明故有錫與褫之象

褫實南解義文卒字云裁衣之始爲初字从衣刀成衣之

終爲卒字从衣十數之終也三褫云者乾三爻也乾初始卒終字皆从衣其說甚精之九三曰終日乾乾此之上九曰終朝三褫一以惕无咎一以訟受辱也

王三錫命

有坎之卦多取數於三蒙曰再三需曰三人訟曰三三曰三褫比曰三驅解曰三狐困曰三歲既濟曰三年未濟曰三年坎之本卦亦曰三歲而此師卦曰三錫蓋坎之中爻乾之中陽也陽盛於三故多取三師之二爻以一陽在內而攝眾陰有承王錫命之象且一陽者萬數所由歸也故象曰懷萬邦也

原筮

《周易倚數錄卷上

六

原再也如周禮原筮原田之原蒙言再三而嫌其瀆比言原筮而曰元永貞蓋離象顯於蒙之中

蒙自二至故上爲離象

無須再筮離象伏於比之下

坎下伏離荀氏之說故必須原筮離

數一二者再也

外用三驅

外坎數居於一內坤數起於二是三也坎陽在外取陰

率從有王者帥師驅而田禽之象

周禮疏天子六師法平坤順此內卦坤也

然坎下伏離其明不見故雖三驅而少離照此所以失

前禽也亦寓遊田之戒

三歲不興

同人之三爻離之三爻也離下伏坎離二見而坎一伏

數共爲三而不成三虞氏曰坎爲三歲今伏不見故曰不興

四時不忒

震生坤成震坤之卦備生成之義故豫象曰日月不過四時不忒

先甲三日後甲三日

虞氏納甲法巽象退辛艮象消丙皆陽退之卦也而丙在甲後辛在甲先辛壬癸三日也甲乙丙亦三日也離爲日蠱自三至上爲離象震數三蠱自三至五互爲震故曰三日夫艮丙後甲三日巽辛先甲三日而艮者又萬物所以成終而成始也蠱互震爲春含離爲夏而自二至四又互兌兌秋也自初至四又含坎坎冬也四時備矣時備而甲居幹首故彖曰終則有始天行也

至於八月有凶

臨爲丑月辟卦自丑至申其月八也申月辟卦爲否否者泰之反也臨以二陽而望三陽之吉小往大來是爲泰若過此而至於八月大往小來則爲否而有凶矣朱傳一以爲遯謂是周正之八月一以爲觀謂是夏正之八月此指未酉兩月耳殊不知由丑而申其月凡八如律呂之義隔八相生亦由本月而八閏月也○彖傳言消不久者陽來爲息陰往爲消言臨之時陰消陽息而至於八月則陽往而陰來矣回憶臨之二陰消者時豈

久乎天道可戒人道矣○或謂文王時猶用殷正殷建丑以申月爲八月然則有凶二字爲指否卦無疑矣

七日來復

七日者七閏月也古者月嘗稱日幽風一之日二之日是也復爲子月辟卦自子至午凡七月自午至子亦凡七月午之辟卦爲姤一陰生也此爲復一陽生也上文言反復其道謂反而觀之則爲姤而月至於七則陽來復矣此乃天行之氣運也○臨內卦兌兌下伏艮其數七而言八月復內卦震震下伏巽其數八而言七日七言八者慮陽之消而變陰也八言七者幸陰之消而化陽也○納甲法震卦納庚庚復爲冬至之時古以冬至夜

《周易倚數錄卷上》

七

《周易倚數錄卷上》

八

半甲子爲歷元甲至庚凡七日震以一陽見庚始消全坤之一陰陽氣未能驟復故由甲閱七日至庚斯來復也此說不作月字解下文天行大

至於十年不克征

復至於上則純乾矣若迷其所以復則其卦爲夬耳以五陽而難決一陰將君子道憂不亦凶乎如恃其剛而用行師敗可必矣震數三坤數六合之爲九十乃坤成之大數言即過九而至於十亦不克征也一陰之害如此

十年勿用

艮數七震數三合之爲十又自二至五互爲坤坤成爲

十頤之三爻在互之中而艮震之陽反陷於陰故曰十年勿用而象曰道大悖也

三歲不得

虞氏曰卦以既濟為正純坎而至上六與離相反水火相仇不得既濟矣坎一離二其數為三雖至三歲亦何濟乎

明兩作

兩者二也離數二兩其二而為重離則數四矣故曰照於四方

二氣感應以相與

二氣者離之氣也離為火其數二天地莫大於日月八

《周易倚數錄卷上

九

卦莫專於水火金木土皆各兩卦有相交而感應者以心言也心屬火離象也咸卦內艮

外兌上下三陰中含三陽有坎象焉坎數一而為水坎

下伏離其數二來感坎者離二之氣也坎離相得則成

既濟此男女之象亦天地人身之理不獨指艮為少男

兌為少女也。咸六爻皆取象於人身而身以心為主

二氣者即心氣也亦即心腎交之氣也

四時變化而能久成

巽下震上春也中含坎象冬也坎下伏離夏也自三至

從一而終也

恒卦中含坎象坎數一而五爻居坎之上陰與陽相偶故曰從一恒其德貞貞屬水亦一數也

晝日三接

上離為晝為日離數二自三至五互坎坎數一合之為三上下相接故曰三接上文錫馬蕃庶鄭氏讀庶為遮多也坤承乾而有牝馬之象上錫下而以馬離以嚮明而接下坤以順進而接上彖傳所以明之

三日不食

離下坤上自二至四互為坎坎一離二其數三離為日故曰三日坤為腹離為大腹有食象言不食者明夷之初合二爻為半兌兌為口而半口則難食下文主人有言亦指口也義可言則言不可食則不食故象傳推於

《周易倚數錄卷上

十

義

照四國也

初登於天指離初爻後入於地指坤上爻日為君象故其初照四國四國者明夷內離南也自二至四為坎北也自三至五為震東也初與二三至上皆半兌西也四方之國俱在坤地之上而為離所照也

二女同居

中女少女合而為睽離數二而在外卦非正位乎內之道也此同居不同行之義且自三至五為坎以中男之一而居其中睽隔之象故女雖同而心異也

睽孤遇元夫

四爻在互坎之中其數一一則孤坎一而陽故曰元夫

載鬼一車

睽上九為離上離下伏坎其數一而不見一陰極之象睽極之道也故曰鬼一車者坎為輪也

往得眾也

解利西南坤方也坤為眾師言容民畜眾比言建國親侯皆眾義

雷雨作而百果草木皆甲坼

百為坤成之數植物始於震春而成於坤百物甲坼坤陰已消終而復始解利西南即指坤數之百也

田獲三狐

解二爻坎中爻也坎為隱伏坎下伏離其數三震之數亦三而震為艮之反艮為鼠狐鼠類其性善隱解至於二疑昧可釋故雖隱伏之物且至於三亦必皆獲下言得黃矢者自二至四互離離為戈兵為矢其色黃火生土也

二簋可用享

損自二至上含有離象其數二兌之反為巽艮巽之卦為蠱器壞而生蟲也艮兌之卦為損器新而可用享矣自二至上互成頤象飲食有節故止二簋二簋之新取乎艮之成終而成始也故象傳曰應有時

三人行則損一人一人行則得其友

損自二至四互為震三數也而自二至上則含離象二數也三而變二非損一乎一人者離下伏坎也坎與離為友則既濟而坎之疑解非若三人之疑於震也繫辭言其致一極之於化醇化生既濟之功大哉

或益之十朋之龜

損六五益六二皆取此象損自二至上為離其五爻離之中也益自初至五為離其二爻離之中也離為龜人用莫如龜損益之意也言十朋者中三爻為坤十者坤之成數朋為兩物相比乃離二之象也

一握為笑

萃之全體坎象也自初至四艮象也艮為手坎數一故曰一握外卦為兌兌為口為悅故為笑

三歲不覿

困內卦坎自二至四互為離坎一離二其數三離為目有覿象而離上坎下則為未濟故不覿外兌秋也內坎冬也自冬至秋一歲周矣內含離二故三歲不覿

二女同居

少女中女合而為睽錯之為革離二在內離位乎正而自二至上含為坎象以二女事一男一男介乎內外之間故不相得睽自外卦言之故曰行革自內卦言之故曰得

《周易倚數錄卷上》

士

《周易倚數錄卷上》

士

天地革而四時成

彖傳言四時止四卦恆久成豫不忒及革而成節而成也而革與節之義與恆豫不同恆豫以卦言革與節以義言革莫大於治麻法必起於日離爲日四時所取以爲定者合之天度驗之星辰久則有差故麻法貴乎改變而後四時成焉大象治麻明時以此

革言三就有孚

兌金離火金位乎西其性燥火就燥故曰就離數二自二至上爲坎象之一合而成三故曰三就九三坎離之交有既濟之象故革至於此則有孚矣

震驚百里

《周易倚數錄卷上

三

百里侯國長子主器震攝侯邦故彖傳曰驚遠而懼邇也百數開方爲十震三反爲艮七其數共十三邇七遠震起而艮止也

躋于九陵勿逐七日得

以震三爻觀之初九一陽若由六二升至於三則純乾矣躋者升也九乾數也以六爻觀之自二至四互爲艮艮爲山故曰陵艮數七故言七日自初至四有離象故曰日也陽升而得濟象著於卦故上文喪貝勿逐而得也

天地不交而萬物不興

乾萬物資始坤萬物資生乾內坤外而泰運興交之道

也不交則不興矣歸妹上震下兌若震陽兌陰兩爻互易乃成泰象今不相交故不興萬爲坤成之大數不交則無坤象也

三歲不覿豐

豐內離爲目有覿象自二至五爲坎坎一離二爲三而坎離交錯難成既濟不明之象故曰不覿餘見前困卦困初尙不凶此在上不明已極故凶

射雉一矢亡

離爲戈兵爲矢旅自二至五有坎象故曰一矢離爲雉一矢向雉故曰射而離上坎下則爲未濟故曰亡亡者自內向外不成既濟旅之象也然在六五以柔濟剛以文濟武雖旅於外而終有譽命也

《周易倚數錄卷上

十四

田獲三品

巽自初至四爲坎象自三至五爲離象坎一離二其數三故曰三品六四由內而外居離之中離爲戈兵故有田象田而返於內獲三品矣

先庚三日後庚三日

互離爲日巽下伏震其數三故曰三日震納庚爲陽生巽納辛爲陰生陰宜從陽故不曰先辛而曰先庚先庚三日丁也後庚三日壬也丁爲兌之二陽兌納壬爲乾之三陽乾外卦蓋由所伏之震而望陽進云此九五居中之義也

天地節而四時成

自一至五有離象離為日四時起于日一歲十二節十二中無節則氣候不齊矣坎一為冬至兌四為秋分中歷春分夏至四時成矣餘見前革卦

勿逐七日得

離為日六二居離之中故曰日離為中女故上言婦既濟則小失不足恤况六二中正故曰勿逐而所失之物亦必七日得也七日者既濟之中有艮之半象艮數七其義止故言勿而取七日也

三年克之

坎離合數三離為甲冑為戈兵既濟有半兌者三有離

周易倚數錄卷上

五

象者二離兌之卦為睽睽則疑暗不明故有鬼方之象伐之而三年克者疑不易亡須外坎有遇雨之吉乃能克也故象曰億也

三年有賞于大國

離坎合數三九四之爻離初爻也未濟至此即既濟之初矣故曰有賞陽來為賞為大故象如此非若既濟九三有睽之疑也故同取三年而一億一志行厥效異矣

周易倚數錄卷上

周易倚數錄卷下

取學軒叢書第四集

丹徒楊履泰述

貴池劉世珩校刊

八卦相盪

盪激也八卦五行之氣激而為六十四卦或自相盪或互相盪卦氣生而象於是縣數亦於是定焉

一寒一暑

日北則景短多暑日南則景夕多風日月運行而寒暑相推冬至起於坎為一寒夏至起於離為一暑自坎而離復之姤也自離而坎姤之復也○於冬至日中立十丈竿為表見十其日景十二丈六尺有奇若於夏至日中立之則其景縮盡日影測天度法說見附卷終

周易倚數錄卷下

一

六爻之動三極之道也

六十四卦各六爻動者變也六十四各變六十四為四千有九十六卦陰爻變陽陽爻變陰而吉凶悔吝生焉變化剛柔具焉三極者天地人也變與剛為天道化與柔為地道吉凶悔吝為人道又初二為地三四為人五上為天六爻各具三極焉

一陰一陽之謂道

由姤一陰至于復由復一陽至于姤循環無端此天地自然之氣而人道在其中故下文曰繼善成性

千里應遠

卦氣起中孚二爻在內卦之中所謂遠也五爻在外卦

之中所謂遠也五爲二之應內卦兌澤外卦巽風自三至五又互艮澤山之卦爲咸自二至四又互震風雷之卦爲益以山澤之通受風雷之益雷震百里風行千里千者百之積中孚之效也象取乎言者中四爻互頤君子於此慎言語焉

二人同心

同人中四爻互爲姤九五居姤之上姤者遇也遇必有所合故同心坎爲心實離下伏坎也離數二爲內卦乾爲人在外卦故曰二人乾金離火火上克金有斷金之利焉

天一地二天三地四天五地六天七地八天九地

《周易倚數錄》卷下

二

十

天以元而大元者一也一加一爲二一加二爲三推至於一加九爲十而陰陽奇耦生成之數備矣一三五七九陽而奇者也二四六八十陰而耦者也陽奇生而有成一三五生數也七九成數也陰耦成而有生六八十成數也二四生數也

天數五地數五

一三五七九此五者爲天數二四六八十此五者爲地數

五位相得而各有合

五位五行之位也天一生水位乎北地二生火位乎南

天三生木位乎東地四生金位乎西天五生土位乎中五行既生五方定矣相得者北與東相得水生木也東與南相得木生火也南與中相得火生土也中與西相得土生金也西與北相得金生水也五行相生循環不已定時成歲視乎此矣各有合者五行俱生於土俱與土合而後其數成焉一與五合而水成於六二與五合而火成於七三與五合而木成於八四與五合而金成於九五與五合而土成於十此皆自然之數不假安排者也後世演爲河圖指爲先天殆不可據

天數二十有五地數三十凡天地之數五十有五

一三五七九共數二十有五二四六八十共數三十兩

《周易倚數錄》卷下

三

者相併爲五十有五

大衍之數五十其用四十有九

大衍者本天地之數而衍爲筮法也五十者取中土相乘之數五行之用莫大於土金水木火非土不生非土不成土之生數五成數十以五乘十以十乘五皆五十也筮以圓書著之爲物一株百莖蓋天地之靈氣所鍾而得五乘十十乘五之全數者也大衍以蓍草五十莖而虛其一以象太極其餘四十九莖爲筮之用四十九者七七之數少陽不變者也崔憬曰六十四卦法長陰八八之數四十九蓍法少陽七七之數也

分而爲二以象兩掛一以象三